

**Allannguutissatut siunnersuut  
uunga**

**Uunga siunnersuut: Kalaallit Nunaanni pasinapiluttumik kalerriisunik illersuineq  
pillugu Inatsisartut inatsisaat**

Naalakkersuisut aappassaaneernissaanut saqqummiussaq

§ 2-mut

1. § 2-p imm. 2-anut ilanngunneqassaaq:

“ *Imm. 3.* Nalunaarummi pissutsit sulisitsisut sulisartullu akornanni aqqissuussakkut aamma manna inatsisikkut suliarineqarsinnaappata, isumaqatigiissummi ilaasut, § 28 naapertorlugu akiliummut taartinut aamma soraarsitsinernut tunngatillugu suliaq, sulisitsisut sulisartullu akornanni aqqissuussakkut suliarineqarsinnaasoq isumaqatigiissuteqarsinnaapput.”

§ 31-mut

2. § 31, imm. 1-imi “*1. juli 2024*”, “*1. januar 2025*”-mik taarserneqassaaq.

3. § 31, imm. 3-mi §*1. januar 2025*”, *1. juli 2025*”-mik taarserneqassaaq.

Siunnersuummut nassuiaatit

### **Nassuiaatit nalinginnaasut**

Siunnersuummi, suliaq manna inatsit § 28-mi aamma sulisitsisut sulisartullu akornanni aqqissuussami malittarisassanut ilaatillugu, akiliummut taartinut aamma soraarsitsinernut tunngatillugu sulisitsisut sulisartullu akornanni aqqissuussakkut suliarineqarsinnaangorpoq.

Tamatumani siunertaq tassaavoq, isumaqatigiisummi ilaasut (sulisitsisut aamma akissarsisartut kattuffii) suliaq pisariillisinniarlugu, akiliummut taartit pillugit il.il. sulisitsisut sulisartullu akornanni aqqissuussami malittarisassat tunngavigalugit sulisitsisut sulisartullu akornanni aqqissuussakkut suliarineqartarnissaa.

Kajumissuseq tunngavigalugu aqqissuussaavoq. Taamaammat, kattuffiit suliaq sulisitsisut sulisartullu akornanni aqqissuussakkut suliarineqarnissaa isumaqatigiissinnaangippata, sulisitsisut sulisartullu akornanni aqqissuussap malittarisassai aamma manna inatsit malittarisassai tunngavigalugit suliarineqarsinnaassaaq.

Tamatuma saniatigut atuutilersitsinissamut maleruagassanut allannguutinik marlunnik, inatsimmik 1. januar 2025-mi atuutilersitsinissamik kinguartitsisumik, kiisalu suliffinnut 100-t ataallugit sulisulinnut pasinapiluttumik kallerriisunut aqqissuussamik pilersitsinissamut piunasaqaat 1. juli 2025-mut nuutsitsisumik atuutsitsisoqalerpoq. Tamatuma saniatigut § 31, imm. 2-mi malittarisassat pillugit erseqqissarneqarpoq, inatsit kingunerisaattut, pissutsit inatsit suli atuutilinnginnerani nalunaarutigineqartut, inatsit atuuffiata ataaniippata, itigartinneqarsinnaangitsut.

### **Siunnersuutip aningaasaqarnikkut kingunerisassai**

Siunnersuut maanna aningaasaqarnikkut kingunerisassat naatsorsuutaannut sunnuteqassaangitsoq naatsorsuutaavoq.

### **Siunnersuutip maleruagassaanut ataasiakkaanut nassuiaatit**

*Nr. 1-imut*

Siunnersuutaavoq, isumaqatigiisummi ilaasut, suliaq manna inatsit aamma sulisitsisut sulisartullu akornanni aqqissuussap malittarisassaannut ilaatillugu, akiliummut taartinut aamma soraarsitsinernut tunngatillugu suliaq, sulisitsisut sulisartullu akornanni aqqissuussakkut suliarineqarnissaanut aalajangersinnaasut.

Tamanna isumaqarpoq, sulisitsisut sulisartullu akornanni aaqqissuussat, manna inatsit naapertorlugu, akiliummut taartisianik akiliisoqarsinnaanersoq, taakkulu qanoq annertutigissanersut pillugit aalajangiisinnaassasut. Erseqqissaatigineqassaaq, tamatumani atorfinitsitsinermi pissutsit kisimi pineqarput, tamatumani pilersuisut il.il. pineqarnatik.

Isumaqatigiisummi ilaasut tassaapput, isumaqatigiisut naapertorlugu sulisitsisumik sulisumillu sinniisut imaluunniit sinniisuusinnaasut.

*Nr. 2-mut*

Siunnersuutaavoq, inatsit 1. januar 2025-mi atuutilissasoq.

*Nr. 3-mut*

Imm. 3-mi siunnersuutaavoq, imm. 4 namminersorlutik sulisitsisut 100 ataallugit sulisulinnut 1. juli 2025-mit atuutilissasoq.

Kikkut namminersortuusut aamma pisortasut pillugit § 9-mi nassuiaatit takukkit.